




ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 1-ին, կիրակի.—Սկիզբն Յարութեան կիրակեօց. Յիշատակ Եղիայի մարգարէին.

Այսօր Մայր տաճարում, Ավագ խորանի վրա, ս. պատարագ է մատուցում Տ. Ստեփանոս արք. Չաքալյանը և «Հայր մեր»-ից առաջ քարոզում «Եղբարք իմ, եթէ ոք ի ձեզ մոլորեցի ի ճանապարհէ ճշմարտութեան և դարձուցէ ոք զնա, գիտացէ զի որ դարձուցէ զմեղաւորն ի մոլորութեան ճանապարհէն իւրմէ, փրկեցէ զոգի իւր ի մահուանէ և ծածկեցէ զբազմութիւն մեղաց» (Թուղթ Հակոբա Ե 19—20) բնաբանով:

Ս. պատարագին ներկա էր Վեհափառ Հայրապետը:

• •

Հունիսի 2-ին, երկուշաբթի.—Տօն Սրբոց Կուսանացն Հռիփսիմեանց.

Այսօր Ս. Հռիփսիմէ վանքի տաճարում, օրվա տոնի առթիւ, ս. պատարագ է մատուցում վանքի վանահայր Տ. Մասիս վրդ. Գալստյանը և «Հայր մեր»-ից առաջ քարոզում «Անձինք մոլորեալք սիրոյն Քրիս-

տոսի, երկնաւոր մահատակք և կուսանք իմաստուն...» (շարական) բնաբանով:

Հաւարտ ս. պատարագի, վերջերս հայտնաբերված Հռիփսիմյանց մահատակների աճյունների մոտ, կատարվում է «Գոհաբանական մաղթանք»:

• •

Հունիսի 8-ին, երեքշաբթի.—Տօն Սրբոց Կուսանացն Գայիանեանց.

Այսօր Ս. Գայանէ վանքի տաճարում, օրվա տոնի առթիւ, ս. պատարագ է մատուցում վանքի վանահայր Տ. Գորգենքին. Աշուրյանը և «Հայր մեր»-ից առաջ քարոզում «Գայանէ մեծ խորհուրդ և անուն ցանկալի. ընտրեալ ի յերկրի և դասեալ ընդ հրեշտակս...» (շարական) բնաբանով:

Հաւարտ ս. պատարագի կատարվում է հոգեհանգստյան բաշտոն՝ «վասն համօրէն մեջեցեալ կաթողիկոսաց, եպիսկոպոսաց, վարդապետաց, քահանայից, սարկաւազաց և ամենայն ոխտի մանկանց Հայաստանեայց եկեղեցոյ»:

Հունիսի 4-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաքանական հերթական հավաքույթ:

Հունիսի 5-ին, հինգշաբթի.—Տոն Սրբոյն Յովհաննու Կարապետին և Աթանագինեայ եպիսկոպոսին:

Այսօր Ս. Ծողակաթ վանքի տաճարում ա. պատարագ է մատուցում վանահայր Տ. Ղևոնդ քհն. Հարությունյանը և «Հայր մեր»-ից առաջ քարոզում օրվա խորհրդի մասին:

Հունիսի 7-ին, շաբաթ.—Տոն Սրբոյն Գրիգորի Լուսաուրջին մերոյ ելն ի Վիրապէն:

Այսօր Մայր տաճարում, Իջման սեղանի վրա, ա. պատարագ է մատուցում Տ. Բարսեղ քհն. Ղազարյանը:

Նույն օրը ուխտավորաբար Մայր Աթոռ է ժամանում Դամասկոսի հայոց թեմի առաջնորդ Տ. Ունյան Ծ. վրդ. Գալքաթյանը:

Հայր սուրբը Մայր Աթոռում մեկ շաբաթ մնալուց հետո, հունիսի 14-ին մեկնում է իր պաշտոնատեղին:

Հունիսի 11-ին, չորեքշաբթի.—Այսօր, առավոտյան, Վեհափառ Հայրապետին են այցելում անգլիացի դիվանագետներ Ռիչարդ Վիլքինսոնը և Դեյվիդ Գովանը:

Նույն օրը, երեկոյան, Վեհարանում, Վեհափառ Հայրապետի նախագահությամբ, գումարվում է միաքանական հերթական հավաքույթ, որի ընթացքում փիլիսոփայական գիտությունների դոկտ., պրոֆ. Գևորգ Խոյուպյանը դասախոսություն է կարդում միջնադարյան հայ մեծ փիլիսոփա Դավիթ Անհաղթի կյանքի, գործունեության և նրա ստեղծագործական ժառանգության մասին՝ մեծ մտածողի ծննդյան 1500-ամյակի առթիվ:

Վերջում հարգելի դասախոսը հանգամանորեն պատասխանում է ներկաների տված հարցերին:

Հունիսի 13-ին, ուրբաթ.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է Գերազույն հոգևոր խորհրդի հերթական նիստը:

Հունիսի 15-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում Տ. Եղիշե քհն. Բաղրամյանը:

Ս. պատարագին ներկա էր Վեհափառ Հայրապետը:

Հունիսի 17-ին, երեքշաբթի.—Այսօր Վեհափառ Հայրապետին է այցելում գերմանացի հայագետ դոկտ. Բրյչլըր Բոենթշեյեր (Բեռլին):

Հունիսի 18-ին, չորեքշաբթի.—Այսօր, առավոտյան, Վեհարանում Վեհափառ Հայրապետին է այցելում Մոսկվայում Ավստրիայի հանրապետության արտակարգ դեսպան Հերալդ Հինդենբերգը:

Հայոց Հայրապետի և պարոն դեսպանի միջև տեղի է ունենում ջերմ զրույց:

Հունիսի 19-ին, հինգշաբթի.—Այսօր Վեհափառ Հայրապետին են այցելում Դամասկոսի Տիկնանց Միության ներկայացուցիչները և մի խումբ ուխտավորներ:

Հունիսի 20-ին, ուրբաթ.—Այսօր Վեհարանում Վեհափառ Հայրապետին են այցելում ֆրանսահայ մի խումբ ուխտավորներ:

Հունիսի 22-ին, կիրակի.—Այսօր Մայր տաճարում, Ավագ խորանի վրա, ա. պատարագ է մատուցում Տ. Ստեփանոս աթղ. Չաքալյանը:

Հավարտ ա. պատարագի, Վեհափառ Հայրապետի նախագահությամբ, կատարվում է հոգեհանգիստ «նորոգ հանգուցյալ» Մայր Աթոռի բարերար մարտելահայ Արծրուն Զրբաշյանի և հոգևոր ճեմարանի դասախոս Բարսեղ Թաշչյանի հիշատակին:

*
*
Նույն օրը Վեհաբանում Վեհափառ Հայրապետին են այցելում մի խումբ հայ ուխտավորներ՝ Ֆրանսիայից, Սիրիայից և Ռումինիայից:

*
*
Նույն օրը Վեհափառ Հայրապետին է այցելում նաև Վենետիկի Մխիթարյան միաբանության անդամ Ս. Սամվել վրդ. Սամուրյանը:

*
*
Հունիսի 28-ին, երկուշաբթի.—Այսօր Վեհափառ Հայրապետին են այցելում Դամասկոսի Թեքեյան մշակութային կազմակերպության անդամներ:

*
*
Նույն օրը, ուշ գիշերով, ուխտավորաբար Մայր Աթոռ է ժամանում, Արևմտյան Եվրոպայի Հայրապետական պատվիրակ և Փարիզի հայոց առաջնորդ Ս. Սերովբե արքեպ. Մանուկյանը:

Երևանի օդանավակայանում սրբազան հորը, հանուն Վեհափառ Հայրապետի, դիմավորում են Ս. Հուսիկ արքեպ. Սանթուրյանը և Հովսեփ սրկ. Պալըզյանը:

Հաջորդ օրը, առավոտյան, սրբազան հայրը իր ուխտի աղոթքը կատարելուց հետո, Վեհաբանում ընդունվում է Վեհափառ Հայրապետի կողմից և ջերմ զրույց ունենում Նորին Սրբության հետ:

*
*
Հունիսի 24-ին, երեքշաբթի.—Այսօր Վեհաբանում Վեհափառ Հայրապետին է այցելում պոլսահայ գիտնական Բարսեղ Թուրլաջյանը և զրույց ունենում Նորին Սրբության հետ:

*
*
Հունիսի 26-ին, հինգշաբթի.—Տօն Սրբոց Թարգմանչացն մերոց Սահակայ և Մեսրոպայ:

Այսօր Օշականի Ս. Մեսրոպ Մաշտոց եկեղեցում ս. պատարագ է մատուցում վանահայր Ս. Բագրատ արք. Գալստյանը և «Հայր մեր»-ից առաջ քարոզում «Բայց զայն գիտաւջիր, եթէ գիտէր տաճուտէրն յորում ժամու գող զայ, չտայր թոյլ ական հատանել ի տան իրում» բնաբանով:

Հավարտ Ս. պատարագի կատարվում է հոգեհանգիստ Մայր Աթոռի բարերարներ Թորգոմ Հազարոսյանի և Պետրոս Ալեքսյանի հիշատակին:

*
*
Նույն օրը Վեհափառ Հայրապետը, ընկերակցությամբ Գերագույն հոգևոր խորհրդի ատենապետ Ս. Սիոն արքեպ. Մանուկյանի և Արևմտյան Եվրոպայի հայրապետական պատվիրակ Ս. Սերովբե արքեպ. Մանուկյանի, երեքօրյա հանգստի է մեկնում Սևանի «Ինտուրիստ» մոռաշեն հյուրանոց:

*
*
Հունիսի 29-ին, կիրակի.—Տօն Գիտ տղ-փոյ Սրբունոյ Աստուածածնի:

Այսօր Մայր տաճարում, Ավագ խորանի վրա, ս. պատարագ է մատուցում Ս. Գրիգորիս վրդ. Բունիաթյանը և «Հայր մեր»-ից առաջ քարոզում «Բարեխօսեա Սրբոհի վասն անձանց մերոց» բնաբանով:

Ս. պատարագին ներկա էր Վեհափառ Հայրապետը:

*
*
Նույն օրը Վեհափառ Հայրապետին են այցելում ամերիկահայ և լիբանանահայ մի խումբ ուխտավորներ:

